



ՀԱՍՏԱՏՈՒՄ ԵՄ՝
ՇՐՋԱԿԱ ՄԻՋԱՎԱՅՐԻ
ՆԱԽԱՐԱՐ
Ռ. ՊԵՏՐՈՍՅԱՆ

« 17 » 02 2021թ.

ՊԵՏԱԿԱՆ ՓՈՐՁԱՔՆՆԱԿԱՆ ԵԶՐԱԿԱՑՈՒԹՅՈՒՆ

ՇՐՋԱԿԱ ՄԻՋԱՎԱՅՐԻ ՎՐԱ ԱԶԴԵՑՈՒԹՅԱՆ
ՓՈՐՁԱՔՆՆՈՒԹՅԱՆ

ԲՓ0033-21

Ձեռնարկողը՝

«Գևորգ Անուշ» ՍՊԸ

գ. Գեղիովիտ, փող. 5, պ. 54

Գործունեությունը՝

**Գեղիովիտի բազալտների հանքավայրի
«Ամուրքար» տեղամասում երկրաբանական
ուսումնասիրության շրջակա միջավայրի վրա ազդեցության
նախնական գնահատման հայտ
Գեղարքունիքի մարզ**

«Շրջակա միջավայրի վրա ազդեցության
փորձաքննական կենտրոն» ՊՈԱԿ-ի
տնօրենի պաշտոնակատար՝



Գ. Գևորգյան

Առդիր եզրակացությունը՝ 6 թերթ

ՊԵՏԱԿԱՆ ՓՈՐՁԱՔՆՆԱԿԱՆ ԵԶՐԱԿԱՑՈՒԹՅՈՒՆ
ՇՐՋԱԿԱ ՄԻՋԱՎԱՅՐԻ ՎՐԱ ԱԶԴԵՑՈՒԹՅԱՆ ՓՈՐՁԱՔՆՆՈՒԹՅԱՆ
ԹԻՎ ԲՓ 0033-21

< 17 > 02 2021թ.

**Գեղարքունիքի մարզի Գեղիովիտի բազալտների հանքավայրի «Ամուրքար»
տեղամասում երկրաբանական ուսումնասիրության աշխատանքների
շրջակա միջավայրի վրա ազդեցության նախնական
գնահատման հայտ**

Ձեռնարկող՝

«Գևորգ Անուշ» ՍՊԸ

Ներկայացված նյութեր՝

Շրջակա միջավայրի վրա ազդեցության
նախնական գնահատման հայտ
/Գ կատեգորիա/

Գտնվելու վայրը՝

Գեղարքունիքի մարզ, Գեղիովիտ համայնք

Ներածական մաս. Գեղիովիտի բազալտների հանքավայրի «Ամուրքար» տեղամասը գտնվում է Գեղարքունիքի մարզի Գեղիովիտ համայնքի վարչական տարածքում և տեղակայված է Մարտունի-Վարդենյաց լեռնանցք-Գետափ ավտոմայրուղու աջ մասում, Գեղիովիտ գյուղից մոտ 3.0կմ դեպի հարավ-արևմուտք և զբաղեցնում է 2.2հա մակերեսով տարածք: Ուսումնասիրության նպատակով հայցվող տարածքի հողերը գյուղատնտեսական նշանակության արոտավայրեր են:

Նախատեսվող գործունեությունը համաձայն «Շրջակա միջավայրի վրա ազդեցության գնահատման և փորձաքննության մասին» ՀՀ օրենքի 14-րդ հոդվածի 6-րդ մասի 2-րդ կետի ա. ենթակետի, հանդիսանում է Գ կատեգորիայի գործունեության տեսակ:

Նկարագրական մաս. Երկրաբանահետախուզական աշխատանքների նպատակն է՝ պարզել տեղամասի վերին շերտի խիստ ճեղքավորված բազալտների պիտանելիությունը շինարարական խճի ու ավազի արտադրության, իսկ ստորին շերտի թարմ բազալտներին՝ բլոկների՝ 8267-95 ՀՍ ԳՈՍՍ-ի, 8736-95 ՀՍ ԳՈՍՍ-ի և 9479-2011 ԳՈՍՍ-ի տեխնիկական պահանջներին համապատասխան:

Ուսումնասիրվող երևակման ծայրակետային կոորդինատներն են՝ ARM_WGS-84 կոորդինատային համակարգով.



Y

**Երեսնականամյա
հոսկանացիություն**

Օգտակար հանածոյի ֆիզիկամեխանիկական հատկությունները որոշելու նպատակով նախատեսվում է՝

- հորատահունուկի նմուշարկումը (սեկցիայի երկարությունը մինչև 5մ) իրականացնել անընդհատ տիրույթներով - 12 նմուշ,
 - մենաքարի նմուշ բացահանքից - 1 հատ (20x20x20սմ),
 - քիմիական կազմը որոշելու նպատակով - 2 նմուշ,
 - քարաբանական կազմի ուսումնասիրություն - 2 նմուշ,
 - համախառը նմուշ - 1 նմուշ 200կգ զանգվածով,
- Ընդամենը 18 նմուշ:

Վերցված բոլոր նմուշները պետք է ենթարկվեն համապատասխան լաբորատոր ուսումնասիրությունների և փորձարկումների «Անալիտիկ» ՓԲԸ-ի լաբորատորիայում:

Տեղամասի հիդրոերկրաբանական և ինժեներաերկրաբանական պայմանների ուսումնասիրման նպատակով հորատման ընթացքում նախատեսվում են համապատասխան դիտարկումներ, հաշվի առնելով տեղամասի հետագա շահագործման հնարավորությունը:

Գրունտային ջրերի հայտնաբերման դեպքում ծրագրում կկատարվի լրացում՝ դրանց ուսումնասիրության համար, ինչը կիրականացվի մասնագիտացված կազմակերպության կողմից:

Ծրագրով նախատեսված հիմնական աշխատանքներին զուգընթաց իրականացվելու են ռադիոակտիվ տարրերի պարբերաբար ուսումնասիրություններ՝ 20 օրը մեկ իրականացնելով ռադիոմետրիկ էտալոնացման ու զգայունության ստուգում:

Հորատման ժամանակ կօգտագործվեն գոյություն ունեցող դաշտամիջյան ճանապարհները: Նախատեսվում է 5 հորատման հարթակների հարթեցում մեխանիկական եղանակով՝ 4-րդ կարգի ապարներում: Այս աշխատանքների ծավալները ստորաբաժանվում են՝ 5 հորատման հարթակ: Մեկ հորատման հարթակի մակերեսը կկազմի 40մ²: Ընդհանուր մակերեսը կկազմի՝ 40x5=200մ²: Նոր ճանապարհների կառուցում չի նախատեսվում:

Անմիջապես երևակման տարածքում ՀՀ բույսերի և կենդանիների Կարմիր գրքերում գրանցած բույսեր և կենդանիներ ինչպես նաև դրանց աճելավայրեր կամ ապրելավայրեր չեն արձանագրվել, բնության հուշարձաններ հաշվառված չեն: Մոտակա բնության հուշարձանը Արմաղան հրաբխային կոնն է, որը գտնվում է երևակումից մոտ 5կմ արևմուտք:

Հեռավորությունը երևակման տարածքի և ամենամոտ գտնվող մշակութային հուշարձանի միջև կազմում է ավելի քան 2,8կմ: Հաշվի առնելով երկրաբանական ուսումնասիրության աշխատանքների մեթոդաբանությունը, կարելի է փաստել, որ ծրագրավորվող ընդերքօգտագործման աշխատանքները որևիցե ազդեցություն չեն թողնելու հուշարձանների վրա:

Հողի վերին հողաբուսական շերտի պահպանության նպատակով նախատեսվում է հորատահարթակների կառուցման ժամանակ հողի շերտը, ամբողջ հզորությամբ /0.2մ/, հանել, պահեստավորել հորատահարթակի հարևանությամբ, իսկ աշխատանքների ավարտից հետո, լանդշաֆտի վերականգնման նպատակով, հետ փոխել: Ռեկուլտիվացիայի ենթակա հողերի ծավալը հաշվարկվում է հորատահարթակների և փորձնական բացահանքի մակերեսներից: Հողաբուսական շերտը վերականգնվում է 0.2մ



շերտով: Վերականգնման ենթակա փորվածքների ընդհանուր մակերեսը կազմում է $5 \times 40 + 50 = 250 \text{մ}^2$: Վերականգնման ամբողջ ծավալը կկազմի $250 \text{մ}^2 \times 0.2 \text{մ} = 50 \text{մ}^3$: Վերականգնումը կատարվելու է ձեռքով III-րդ կարգի գրունտներով: Ռեկուլտիվացիայի գումարը կկազմի $50 \text{մ}^3 \times 2500 \text{դրամ} = 125 \text{հազ. դրամ}$:

Երկրաբանահետախուզական աշխատանքների ընթացքում ժամանակավորապես օգտագործումից դուրս եկած հողերի ընդհանուր մակերեսը՝ հորատման հարթակները և փորձնական բացահանքը կկազմի՝ $5 \times 40 + 50 = 250 \text{մ}^2$ կամ 0.025հա : Հողօգտագործման համար վնասի փոխհատուցման գումարը համայնքներին կկազմի. $0.025 \text{հա} \times 2500 \text{դրամ} = 62.5 \text{հազ. դրամ}$:

Նախատեսվում է շրջակա միջավայրի վրա հնարավոր ազդեցության բացառմանը, նվազեցմանն ու փոխհատուցմանն ուղղված բնապահպանական միջոցառումների ծրագիր, այդ թվում՝

- տարածքում աշխատող տեխնիկան կլիցքավորվի մոտակա լիցքավորման կայանում՝ բացառելով տարածքում նավթամթերքների պահեստավորումը,
- դիզելային շարժիչների սպասարկումը կկազմակերպվի տեխ. սպասարկման կայաններում,
- կենցաղային աղբը կտեղափոխվեն մոտակա աղբահավաք կետեր,
- տարածքում աշխատող տեխնիկան կպահվի սարքին վիճակում և կունենան արտագտվող թունավոր նյութերի չեզոքացուցիչ և ձայնախլացուցիչ սարքեր,
- փոշենստեցման նպատակով կկատարվի փոշեառաջացման օջախի մուտքային ավտոճանապարհի ջրում՝ տարվա չոր և շոգ եղանակներին: Ջուրը նախատեսվում է բերել համապատասխան ջրօգտագործման պայմանագրերի համաձայն՝ Գեղիովիտ գյուղի ջրամատակարարման ցանցերից,
- կեղտաջրերը կհավաքվեն հորատի պ զուգարանում, ինչը կդատարկվի հատուկ ծառայության ուժերով,
- անվտանգության նկատառումներից ելնելով նախատեսվում է աշխատանքների իրականացման տարածքների մեկուսացում/ցանկապատում/: Հարակից համայնքների բնակիչների անվտանգության ապահովման նպատակով տեղամասի եզրագծով, մուտքային ճանապարհների մոտ՝ հորատհարթակների անմիջական հարևանությամբ կտեղադրվեն զգուշացնող ցուցանակներ: Փորձնական բացահանքի տարածքը կերիզվի փշավոր մետաղալարով,
- կենդանական և բուսական աշխարհի պահպանությանն ուղղված միջոցառումները կկատարվեն ՀՀ կառավարության 31.07.2014թ. N781 որոշման դրույթներին համապատասխան,
- տեղամասի տարածքում կենդանական աշխարհի ներկայացուցիչների բներն ու բնադրավայրերը չեն դիտարկվել: Երկրաբանական ուսումնասիրության աշխատանքները կարճատև են, ծրագրավորվող աշխատանքները փոքրածավալ: Շրջանի կենդանական աշխարհի ներկայացուցիչների վրա հնարավոր բացասական ազդեցությունների նվազեցման նպատակով նախատեսվում է սարքավորումները աշխատացնել բացառապես սարքին վիճակում՝ ապահովելով նորմատիվ փաստաթղթերով սահմանված աղմուկի նվազագույն մակարդակը,
- աշխատանքների ավարտից հետո կկատարվի խախտված տարածքների ռեկուլտիվացիա, հետ փռված ապարները կփխրեցվեն, ինչը թույլ կտա ապահովել նոր



բուսականության արագ վերարտադրությունը և բնական լանդշաֆտային պայմանների վերականգնումը:

Երկրաբանական ուսումնասիրության աշխատանքների ընթացքում «Գևորգ Անուշ» ՍՊ ընկերությունն իրականացնելու է շրջակա միջավայրի վրա բացասական ազդեցության կանխարգելմանը և մեղմացմանն ուղղված հետևյալ մշտադիտարկումները՝

- մթնոլորտային օդ կատարվող աղտոտող նյութերի արտանետումների որակական և քանակական պարամետրերի պարբերական չափումներ, հետախուզական փորվածքների անցման շրջանում, շաբաթական մեկ անգամ հաճախականությամբ,

- լեռնատրանսպորտային սարքավորումների աշխատանքային վիճակի, մասնավորապես, չեզոքացուցիչ սարքավորումների սարքին վիճակի պարբերական մշտադիտարկումներ՝ տարին մեկ անգամ հաճախականությամբ,

- տրանսպորտային միջոցների օգտագործված քայուղերով հայցվող տեղամասի հողերը հնարավոր աղտոտումից խուսափելու նպատակով կիրականացվի հողերի աղտոտվածության մշտադիտարկումներ:

Պատճառաբանական մաս. Գեղարքունիքի մարզի Գեղիովիտ համայնքում օրենսդրությամբ սահմանված կարգով, իրականացվել են հանրային քննարկումներ, որոնց ընթացքում տեղական ինքնակառավարման մարմինները և հասարակայնությունը հավանություն են տվել նախատեսվող գործունեությանը: Փորձաքննական գործընթացին մասնակցել են շրջակա միջավայրի նախարարության ստորաբաժանումները, առողջապահության, արտակարգ իրավիճակների, կրթության, գիտության, մշակույթի և սպորտի, պաշտպանության, էկոնոմիկայի նախարարությունները, ՀՀ ԳԱԱ Սևանա լճի պահպանության փորձագիտական հանձնաժողովը, «Սևան ազգային պարկ» ՊՈԱԿ-ը, ինչպես նաև Գեղարքունիքի մարզպետարանը: Ծրագրի իրականացման արդյունքում շրջակա միջավայրի վրա հնարավոր բացասական ազդեցությունները հիմնականում պայմանավորված կլինեն երկրաբանական ուսումնասիրության աշխատանքների իրականացմամբ, որոնք կկրեն ժամանակավոր բնույթ և ազդեցությունները կլինեն թույլատրելի նորմայի սահմաններում:

Փորձաքննական պահանջներ

- Երկրաբանահետախուզական աշխատանքների իրականացման ընթացքում անհրաժեշտ է պարբերաբար իրականացնել շրջակա միջավայրի բաղադրիչների մոնիթորինգ և արդյունքները ՀՀ կառավարության 2018թ. փետրվարի 22-ի N191-Ն որոշմամբ սահմանված ժամկետներում և ձևաչափով ներկայացնել շրջակա միջավայրի նախարարություն:

- Երկրաբանահետախուզական աշխատանքների իրականացման ընթացքում անհրաժեշտ է խստագույնս հետևել նախնական գնահատման հայտում ամրագրված բնապահպանական միջոցառումների իրականացմանը, իսկ դրանց չբավարարման դեպքում՝ նախատեսել լրացուցիչ միջոցառումներ՝ ապահովելով բնապահպանական նորմերը:

- Անհրաժեշտ է ապահովել հայտում ամրագրված ռեկուլտիվացիայի աշխատանքների իրականացումը:



- Երկրաբանական ուսումնասիրության աշխատանքներ կատարելիս անհրաժեշտ է ապահովել «Սևանա լճի մասին» ՀՀ օրենքով և իրավական այլ ակտերով սահմանված նորմերի կատարումը:

- ՀՀ կառավարության 2002 թվականի ապրիլի 20-ի «Պատմության և մշակույթի անշարժ հուշարձանների պետական հաշվառման, ուսումնասիրման, պահպանության, ամրակայման, նորոգման, վերականգնման և օգտագործման կարգը հաստատելու մասին» N438 որոշմամբ հաստատված կարգի 43-րդ կետի համաձայն, աշխատանքների կատարման ժամանակ պատմական, գիտական, գեղարվեստական և այլ մշակութային արժեք ունեցող հնագիտական և մյուս օբյեկտների հայտնաբերման պահից անհրաժեշտ է դադարեցնել աշխատանքները և դրա մասին անհապաղ տեղեկացնել լիազորված մարմին՝ համապատասխան պահպանական միջոցառումներ իրականացնելու համար:

ԵԶՐԱՓԱԿԻՉ ՄԱՍ

«Գևորգ Անուշ» ՍՊԸ կողմից ներկայացված Գեղարքունիքի մարզի «Ամուրքար» տեղամասում երկրաբանական ուսումնասիրության շրջակա միջավայրի վրա ազդեցության նախնական գնահատման հայտի վերաբերյալ տրվում է դրական եզրակացություն՝ վերը նշված փորձաքննական պահանջների պարտադիր կատարման պայմանով:

Մասնագետ՝



Հ. Մեսրոպյան